

登州府志序



郡邑之志與國史相表裏
書契以前尚已禹治水行
九州始志山川土田物產
爲禹貢其不具者見山海

施序一

經或曰山海經非伯益作
志怪者之所託也卒傳其
書不廢周禮職方氏掌天
下山川圖籍小史掌邦國
之志外史掌四方之志其

法寔備楚左史倚相能讀
九丘之書列國名卿或多
未見漢唐迄今書籍日繁
乃有圖經輿地考及一統
志諸書而郡縣亦各有志

施序二

所以載山川稽戶口考政
治得失人物高下而論謠
俗之貞淫也其法與史近
顧其事不隸乎史官書不
獻乎天子作且修者率此

其郡國之人或務塗飾相
夸耀以矜於燕穢爲薦紳先
生所難言志之法於是大
壞去史益遠夫天下之地
之事之人物其得聞於史

施序三

官者鮮矣史官聞而能
於書者鮮矣以一郡國之
地之事之人物散見諸書
而能貫穿於尺幅辨晰於
俄頃者抑又鮮矣然則志

雖與地遠其不可不存焉
一也地東極於海古萊
牟國春秋之末爲齊東鄙
風濤洶湧島嶼叅錯遠左
朝鮮諸海舶乘迅風千里

施序四

不移時至至或掠殺得志
輒颺去其地瘠而民貧貧
則無固志多掠殺則難生
聚登用是彫敝明末數十
年變故屢作軍旅頻仍爰

設御史中丞爲防撫而其
勢不可收拾肝腦塗
地燃指析骸余嘗聞父老
言兵變諸遺事未嘗不歎
息出涕也其間貞臣勇將

施序五

義士烈女之駢死湮沒者
可勝道哉天下之地不足
恃恃乎其人劉寵太史慈
登產也以清節烈行著於
漢季後世過其里者有餘

慕焉蘇軾知登州不旬日
而條議鹽權所言皆利民
至今祀之然則人材吏治
固非地所能限也登故有
志燬於兵自秦昌至今闕

施序六

遺且四十年司理王君購
得寫本余深憇放失屬王
君及郡守楊李二君先後
網羅分任其地之賢者及
其以書來屬草雖完攷訂

未具適吳門顧寧人爲蒐
閱校讐又三月而成今郡
守徐君司理彭君始鳩工
授梓成一郡文獻條目備
矣其事變本末或缺有間

施序七

焉豈其闕疑耶君子觀於
其書可以論其世矣卽其
地其事其人物考政治而
稽謠俗亦可得其槩矣若
夫蓬萊三島蜃樓海市之


觀神仙恍惚恠幻此固騷
人達士之遊目騁心臨風
自得者非志所能盡也

順治庚子春正月

欽差提督山東通省學政

施序八

按察司僉事江左施閏
章撰



續登州府志序

志者何志郡邑之迹也迨則何
爲乎志迹爲昔之所已然不志
之無以鑒前迨爲今之所既然
不志之無以啟後故志之也是

序一

故星野山海土田之不易沿革
戶口風俗之屢更逮乎人物之
盛衰吏治之得失典禮之大軌
事之細莫不備志故曰志也何
續乎續以完乎其志焉爾昔之

迹昔志上之然闕而未載上而
未詳上而未核者往之而有則
待乎增削今之迹昔志不及志
之政令殊昔事例遵今則待乎
纂入人情異趣習俗異尚人材

序二

嗣起則待乎補綴而無以增削
之纂入之補綴之則志不完故
續之續之所以完乎其志也續
之矣而不居作者之名一切因
仍苟且共人生活則如勿續否

則啓款釀浮否則取青媿白記
一人而於其人有溢量記一事
而於其事有緝旨使後之議今
一如今之議昔則何以爲完書
故續脩之志較始脩之志功等

序三

而倍難之余不敏來蒞茲土於
郡志三致意焉初余筮仕謬讀
中秘書未嘗司纂脩之事敢自
謂有著作才嘗從事芸閣諸君
子後竊聞之作史者矣不虛媿

不隱惡事必徵實意無苛刻寧
直而信無文而偽夫郡邑之志
郡邑之史也謂作志而有殊於
作史乎哉爰偕郡之賢又君子
尊吾所聞而釐定乎舊志詳覈

序四

叅訂數易稿而事始竣蓋其慎
也余用是有感焉登郡海環三
面衛所而外州一縣七城在山
間環境計里千有數百無規方
五十里之平疇農力硤确斥鹵

耳故凋敝困疲之形多豐亨豫
大之象少蓋登之土瘠登之民
貧登之賦繁而徭重是守土所
急宜繪圖上告徐策治安者也
與煩擾寧清靜也與操切寧息

序五

事也知弊而去之必盡毋徃已
成而因循知利而興之必力毋
憚易轍而遲迴加意作人則人
才日以盛加意綏輯則才遺日
以滋加意風尚則民俗日以淳

變通宜民與時調劑期於盡善
而後已命才之速也雖然竊有
志焉用以自勗且以告後之來
蒞茲土者前有以鑒也後有以
啟也法戒嚴而師資凜慎勿曰

序六

是志也迹焉已爾登郡幸甚是
爲序

康熙甲戌秋八月

賜進士出身中憲大夫知登州

府事鄺南任璿題



叙

善爲治者在審其害而先圖焉
能裨軍國則爲之能益民生則
爲之郡志之纂其亦不急之務
宜在所緩乎顧余蒞登踰月輒

叙一

詢舊志知爲兵燹湮燬莽此
諸臺及府若縣固常從事而未
就緒夫郡志非所以裨益軍國
民生曷爲諸臺及前之府若
縣咸汲、謀之適與余心合也

今天下東西南朔聲教敷施一
統之業視古尤盛獨是鯨波未
靖來往憧々尚塵

當宁之宵旰登州一郡三面洪濤
屏翰京師控引遼左扼東南

叙二

衝突之要乃分土僅六百餘里
而緣海之地自岫岵島口迤東
至成山折而南至嘉鷄汪又折
而西至東良海口環抱紆迴其
間衛所鑿堡基布星羅者一百

有竒計其里道一千二百有竒
夫以區區之郡當彫瘵之餘非
有富民足與保聚非有重兵足
與防守非有高山深谿足與憑
負乃可虞者若彼不可恃者若

叙三

此使不勒成一書俾當事有
所取鑑不幾以地僻東隅無關
要害而陰雨綢繆且置弗問也
今試披攬圖籍查衝次衝應守
者幾何登之兵弁足供捍禦否